

Темснә мод икәр ургъахмн

Кезәнә Хальмгин теегт темснә мод суулгъдж ургъадго бәәсмн. Алдр Октябрьск социалистическ революцин хõбн, колхозмуд болн совхозмуд бурдснә хõбн Хальмгин теегт темснә мод ургъадг болв.

Ода Хальмг республикин колхозмудар болн совхозмудар 901 гектар темснә модн бәәнә. Тенунәснә 648 гектарнә колхозмудар, 253 гектарнә совхозмудар бәәнә. Дакад республикин колхозмуд болн совхозмуд 217 гектар ұзмн модта.

Каспийск, Сарпинск, Западн райодин колхозмудар болн совхозмудар темснә модн джил ирвәс ургъц икәр õгнә. Эн райодин ұзм, альмн, кедмн, чи, õрг болн нань чигн темсн икәр ургъц õгнә. „Яндыковская“ болн „Садовская“ гидг сортта альмн әмтәхн болн уста, кун йир сәәнәр дурлдж иднә.

Эн джил Элст балгъснд темснә совхоз бурдәгдв. Эн совхоз ұзм, альм, õрг, дакад хавст, помидор, бодницг, агъурцг икәр тәрдж, балгъсна кучкõлсчириг темсәр кӯщнднә теткх зõвтә.

1958 джил Хальмг республикин колхозмуд болн совхоз-

муд 427 гектар газрт темснә мод тәрх зурата. Болв, ода деерән зуг 97 гектар темснә модн тәргдсн бәәнә. Дакад 231 гектар ұзм тәрх зурата, терунәснә 204 гектар тәрдж.

Темснә модл суулгъх зурагъан колхоз болн совхоз болгън кӯщнднә кӯщәлж, шинәс суулгъсн болн урднә бәәсн темснә модлт сән агротехническ асрлгъ теткдж, мал орад ұрәдгон эв-аргъ хәәх кергтә. Дакад темснә мод тәрх саженцсәр кӯщнднә теткхин тõлә Хальмг республикт темснә питомник эрк биш бурдәх кергтә. Тиим темснә питомник цуг колхозмудиг болн совхозмудиг темснә саженцсәр тетклж чадхмн.

Хальмг республикин селәнә эдл-ахуд, тер дотр темснә мод асрдж, темснәс ик ургъц авсн нуурлгч улсин дамшлтиг цуг колхозникулт болн совхозин кõдлмшчнрт таслвр уга цәәлгъдж õгх кергтә. Эн джил темснә мод суулгъх зурагъан цаглань болн агротехническ õдән чинртәгъәр тәрдж тõгскәхин кергт социалистическ дõрлдә õргәр делгрӯлцхәхмн.

М. Б. КИРЮШКИН,
Хальмг АССР-н селәнә эдл-ахун
управленә агроном,